

խանայս, հարբին, գեղին, շնան ևն. և փոխանակ պատուելոյ զԱստուած, առաւել բարկացուցանեն, և մի ևս, զի որովհետև յերկրի իւրում բազում կոռփներ և սպայիս ունի. և սոքա զստորագրեալս իբրև զգերիս ի գործ ածեն. ի շաբաթու զԳ աւուրս պարտին տեարց իրեանց գործել. և ի մնացեալ աւուրսն ինքեանց, և պիտի երբեմն զի ի շաբաթու Բ և Գ տօնք լինին. և այսպէս ոչ մնայ նոցա և ոչ մի օր ի շաբաթու. ուստի յոյժ անտանելի նեղութիւնս կրէին գիւղականք. վասն այսորիկ եբարց զայն, զի հանգիստ լիցի նոցա. մահաւքն ոչ ընկալան զայս տէգոէթս, և դեռ ի վիճի կան. վասն այսորիկ և մեք տակաին տօնեմք. այլ ի բերդն և յայլ շրջակայս արտաքոյ մահառաստանի հանդիսացուցին զտէգոէթն. և ոչ տօնեն. բազում և այլ ինչ կարգադրութիւնս արարեալ է, թէ ի վերայ եկեղեցականաց ուղղափառաց և թէ ոացից... Իսկ յաւուրս կիւրակէից կամ տօնից ընդ մեծ պատժովք հրամայէ ոչ բանալ զխանութ ոչ մտավաճառի, ոչ էքմէքճիի ոչ պաքալի և ոչ մեխանայի. նաև ոչ ոք կարէ ելանել ի ճանապարհ, կամ կառօք անցանել ընդ քաղաք մի կամ զեօղ:...

Յամի տեան 1771 Նոյ. 22
[Եղիտաբեթուպոլիս]

Նուստ ծառայ Հ. Սիմոն վարդապետ
կրօնաւոր Մխիթարեան

ՅԲ.

Ռուս — թրքական պատերազմը, Մետիլինէի առումը և ուրիշ ընդհարումներ բազմաթիւ մանրամասնութիւններով պատմուած են հետևեալ երեք թուղթերուն մէջ, որոնցմէ առաջին երկուքը տարբեր անձերէ գրուած բայց անստորագիր են:

Ա.

Առ Գևորգապատիւ Հայրդ իմ Ստեփ. րարուն. ողջոյն ի Քրիստոս Յիսուս

Իբրև յաջողութեամբ հասաք մեք ի միքօնօ, լուաք ի հիւսիսային ազգէն, և ի հոռոմոց երկրիս. եթէ գնացեալ են հիւսիսային ազինք նաւուք ի մետիլինէ. յորում վայրի շինէին տաճիկք քանի մի պատերազմական նաւս. և այրեալ են գնոսա. և զ25 շայխայս գտեալս անդ, բեռնաւոր ելս լի ամենայն բարութեամբ գերեալ են: Իսկ թուրքն բնակք երկրին ժողովեալ են տալ պատերազմ ընդ նոսա. բայց յաղթահարեալ փախուցեալ են ի բերդն: Եւ ազգն հիւսիսոյ գնացեալ ի ցամաք անդր, յափշտակեալ են զամենայն թնդանօթս բերդին, գտեալս արտաքոյ. և զամենայն շէնս աւերեալ. և ամենայն թնդանօթից բերդին խիցս արկեալ, զարանեալ են յետս. բայց մի ի նաւուցն հիւսիսայնոյ ի սլատրազմիլն կարի իմն յառաջ կոյս ի ցամաք դիմեալ, անկանի ի ցամաք ի վերայ կողացն. և ի ջանալն բազումս այլ նաւուց. և ի տկարանալն ազատել զնա ի ցամաքէն, զամենայն գտեալս ի նաւին, հանին արտաքս. և թողուն զնանն այնպէս:

Հիւսիսայինքն եկեալք ի նաւ մեր, ասացի, եթէ յետ քանի մի աւուրց, ժամանեմք երթալ ի ուսոս, յորում շինեն թուրք զայլ չորս ևս նաւս, առ ի այրել զնոսա:

Երթալոց են յաւուրս յայտօսիկ և ի սախըզ և յայլ իմն բերդ, առ ի գերել և գերփել և գնոսա: Ամենայն առմատայն նաւուց հիւսիսայնոյն, և զօրքն ըստ մեծի մասին են ի փարօս կղզին. և ըստ պիտանաւորութեան զան և երթան:

Աստ ի բոլոր առչիփէլակօն է պանտերայն մոսկոֆին: Արժանի ողբոց ինչ պատմեն յոյնք բնակք երկրիս, զոր չհաւատայի, եթէ ականջալուր և ականատես չէի. զի ասեն, թէ գտաւ այս ազգ հիւսիսոյ բարբարոսագոյն իբր զտաճիկ. զի և ի քրիստոնեայս չինայէ գերել գերփել. զի ըմբոնէ զարս և զկանայս քրիստոսադաւանից, եթէ յունաց և եթէ